



Selasa, 14 September 2021

Ogen: Pengerana 12:9-10



ErpemeteH Mbages Dingen Pentar



Wari enda 14 September iperingeti selaku *hari kunjung perpustakaan*. Iperpustakaan tentuna kita jumpa ras erbage-bage buku si man ogen. Lit sada istilah ngatakenca maka buku eme jendela pengetahuan. Sabap arah ngoge buku, pikirenta reh terbukana nandangi hal-hal si mbaru si mbuka jangkauanta rukur. Lit ka pe istilah buku adalah jendela dunia. Jendela gunana gelah banci kita ngidah ku darat. Jadi arah buku selaku jendela dunia, ertina alu ngoge buku e amin gia langa seh kita ku belahan doni enda kerina, tapi enggo si tandai ia arah informasi si isuratken bas buku ndai.

Penting kal kita ngoge buku. Kerina buku patut ioge, Pustaka Si Badia jadi pedoman geluh, buku cerita, buku masak-masak, koran ras sidebanna. Raja Salomo pe rajin kal ngoge. Iakap sinuratken kita Pengerana enda, tolepe kita kuan-kuanen bangsa Israel ia nuratkenca, lit ka Enden-enden Salomo bas Pustaka enda, ia kerina nuratkenca. Sieteh pe maka Salomo Raja si terkenal erkiteken ia erpemeteh dinging pentar. Ija nari nge kebeluhen ras kepentarena e? Payo arah kiniteken, tapi kiniteken si erbuahken sura-sura guna nambahi pemeteh. Salomo bali ras anak-anak Israel si deban asa nggo beluh ngoge arus tep-tep wari ngoge hukum Tuhan, pedah sepuluh ras kerina peraturen-peraturen si deban. Rusur ia bertukar informasi ras kerina bangsa-bangsa mitra Israel, nggit ia mpelajari sejarah ras ibinana hubungan baik ras negara-negara asing. Em kap kalak beluh ndai erkiteken nggit ia ngoge ras tukar pikiran ras kalak si erpemeteh.

Gundari rata-rata kita nggo er-android. Maka buku-buku pe nggo mulai itadingken. Mejile nge apai pe ngoge buku ntah informasi arah internet ntah arah buku cetak. Tapi siutamana kal ogelah. Sabap alu ngoge kita jadi erpemeteh dinging pentar, alu bage maka kita enda banci jadi pasu-pasu man kalak si deban.